

EPITOME SECVNDI LIBRI

ANNALIVM C. CORNELII

TACITI.



VONONES Parthorum Rex, regno exutus ab Artabano, & ad Armenios profugus ab his in regnum accipitur. Id quod cum Artabanus iniquo animo ferret, & hanc ob causam Armenijs minitaretur, in quibus aduersus vim Parthorum parum subsidij erat; & causa esset nulla, cur bellum aduersus Parthos eius causa susciperetur, à Cretico Sullano rectore Suriae custodia circumdatur. Cum & has, aliaeq; ob causas, quas infra memorabo, Sisenna Statilio Tauro, L. Libone Coss. res Orientis turbarentur, hanc occasionem arripuit Tiberius abstrahendi Germanicum ab fuetis legionibus, nouisque prouincijs imponendi, dolo simul & casibus obiectandi. Ille verò hoc cognito, celerandae aduersus Germanos victoriae intentior, fabricat classem mille nauium ad vehendas legiones vsque ad Amisiam flumen. Illis quippe in locis bellum erat gerendum aduersus Cheruscos. Ibi Stertinius, missu Germanici, igne, & caedibus Angriuariorum, qui defecerant, perfidiam vltus est. Carioualda dux Batauorum pro Romanis aduersus Cheruscos pugnans, cum aliquot nobilibus interficitur. Ceterum tam de Cheruscis, quam ceteris Germanis magnam statim victoriam, commisso praelio, Germanicus reportauit, eo ex praelio Arminius vulneratus, & Inguiomerus euaserunt. in loco praelij Tiberius ab legionibus imperator salutus est. Ea clades tanto dolore & ira affectit Germanos, vt statim bellum restaurarint: quo rursus ipsorum ingenti clade, superati sunt. Post quae continuo Angriuarii supplices in deditionem accipiuntur. His rebus ita gestis, Germanicus cum maiorem partem exercitus classi impositam reueheret, vi ventorum, & saeuitia fluctuum pars nauium hausta, pars disiecta, & in solas terras, aut in Britanniam delata est. Quae damna statim pensata sunt prospera expeditione in Marfos. Inde crebris Tiberii epistolis Germanicus Romam accitur. Ibi Libo Drusus Scribonius, fraude Firmii Cati senatoris, quasi res nouas moliretur, in senatu accusatus, voluntaria morte iudicum sententias effugit. Facta de Mathematicis, Magisque Italia pellendis senatusconsulta, quorum è numero L. Pituaris saxo deiectus est. P. item Martius supplicio est affectus. Aduersus luxum ciuitatis decretum est, ne vasa auro solida ministrandis cibus fierent, neue serica vestis viros foedaret. Inter quae Vrgulania, quam amicitia Augustae supra leges extulerat ab L. Pisone in ius vocatur. Eo anno res dilatae; tentatumque est vt magistratus essent quinquennales.

A. V. C.
D. CCC. LXX.